



ქედის მუნიციპალიტეტის საკრებულო

გ ა ნ კ ა რ გ უ ლ ე ბ ა

დაბა ქედა



N 28
31/05/2019

28-04-4-201905311640



**ქედის მუნიციპალიტეტის მერიის
სამხედრო აღრიცხვის, გაწვევისა და მობილიზაციის სამსახურის მიერ
2019 წლის პირველ კვარტალში შესრულებული ანგარიშის მოსმენის შესახებ**

„ქედის მუნიციპალიტეტის საკრებულოს რეგლამენტის დამტკიცების შესახებ“
ქედის მუნიციპალიტეტის საკრებულოს 2016 წლის 3 მაისის №6 დადგენილებით
დამტკიცებული დანართის მე-6 მუხლის მე-6 პუნქტის შესაბამისად, ქედის
მუნიციპალიტეტის საკრებულომ **გადაწყვიტა:**

1. ცნობად იქნას მიღებული ქედის მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის 2019 წლის პირველ კვარტალში შესრულებული სამუშაოების ანგარიში, თანახმად დანართი №1-სა.
2. დანართი №1 წარმოადგენს განკარგულების განუყოფელ ნაწილს.
3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.
4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).
5. განკარგულება ძალაშია ხელმოწერისთანავე.

შუქრი თურმანიძე

საკრებულოს თავმჯდომარე



**ქედის მუნიციპალიტეტის მერიის
სამხედრო აღრიცხვის, გაწვევისა და მობილიზაციის სამსახურის მიერ
2019 წლის პირველ კვარტალში გაწეული მუშაობის შესახებ
ა ნ გ ა რ ი შ ი**

წლის დასაწყისში მოხდა ნომენკლატურის შედარება - განახლება და არქივში ჩაბარებული საქმეების ინვენტარულ წიგნში გადატანა.

2019 წლის 10 იანვარს საქართველოს რეგიონული განვითარებისა და ინფრასტრუქტურის სამინისტროში წარდგენილი იქნა 2018 წლის სავალდებულო სამხედრო სამსახურში საშემოდგომო გაწვევის შედეგების შესახებ ინფორმაცია თანდართული ფორმების შესაბამისად.

2018 წლის საშემოდგომო გაწვევის შედეგების განხილვის დროს, საქართველოს რეგიონული განვითარებისა და ინფრასტრუქტურის სამინისტროში გამართულ თათბირზე ჩვენი სამსახურის მიმართ მნიშვნელოვანი შენიშვნები არ ყოფილა.

საქართველოს მთავრობის 2019 წლის 28 იანვრის №12 დადგენილებისა და ქედის მუნიციპალიტეტის მერიის 2019 წლის 1 თებერვლის №166 ბრძანების საფუძველზე დაიწყო 18-დან 27 წლამდე ასაკის წვევამდელთა 2019 წლის საგაზაფხულო გაწვევა სამხედრო სავალდებულო სამსახურში, რომელიც გაგრძელდება მიმდინარე წლის 29 ივნისამდე, რის საფუძველზეც შედგენილი იქნა წვევამდელთა გამოძახებისა და გაწვევის გრაფიკი. ქედის მუნიციპალიტეტის გამწვევა კომისიამ მუშაობა დაიწყო მიმდინარე წლის 12 თებერვლიდან.

სამხედრო სავალდებულო სამსახურში მოქალაქეთა 2019 წლის საგაზაფხულო გაწვევის პერიოდში გასაწევ წვევამდელთა რაოდენობა ქედის მუნიციპალიტეტისათვის განისაზღვრა 21 წვევამდელით

მიმდინარე წლის პირველ კვარტალში წვევამდელთა შემკრებ - გამანაწილებელ ცენტრში გადაყვანილია 13 წვევამდელი, აღნიშნული კომისიის გავლის შემდეგ, ცენტრალური გამწვევი კომისიის გადაწყვეტილებით:

- 4 წვევამდელი ჩაირიცხა შინაგან საქმეთა სამინისტროს გასამხედროებულ ქვედანაყოფში;
- 3 წვევამდელი ჩაირიცხა საქართველოს თავდაცვის სამინისტროს მიმართულებით;
- 1 წვევამდელი ჩაირიცხა საქართველოს იუსტიციის სამინისტროს მიმართულებით;
- 3 წვევამდელი - კომისიამ ცნო შეზღუდულად ვარგისად სამხედრო სამსახურისთვის;
- 2 წვევამდელი ჩაითვალა დროებით უვარგისად სამხედრო სამსახურისათვის.

- 1 წვევამდელმა ისარგებლა „სვსსშ“ საქართველოს კანონის 30-ე მუხლის პირველი პუნქტის „დ„ ქვეპუნქტით და გადაიხადა სამხედრო სავალდებულო სამსახურის გადავადებისათვის საქართველოს კანონით დადგენილი მოსაკრებელი (2000 ლარი).

მიმდინარეობს წვევამდელთა გამოძახება შეიარაღებულ ძალებში გასაწვევად შემდეგი ეტაპისათვის.

2019 წლის საგაზაფხულო გაწვევის მიმდინარეობის შესახებ ანგარიში შესაბამისი ფორმების მიხედვით, ყოველი თვის 10 რიცხვამდე მიეწოდება საქართველოს რეგიონული განვითარებისა და ინფრასტრუქტურის სამინისტროს.

სამსახურის მიერ გაცემულია 12 სამხედრო სააღრიცხვო მოწმობა.

საქართველოს კანონის „სამხედრო ვალდებულებისა და სამხედრო სამსახურის შესახებ“ მესამე თავის მე-14 მუხლის შესაბამისად მიმდინარეობს 2002 წელს დაბადებულ მოქალაქეთა პირველად სამხედრო აღრიცხვაზე აყვანა.

მოსამზადებელი სამუშაოები დასრულებულია. პირველად სამხედრო აღრიცხვაზე აყვანას დაზუსტებული სიით ექვემდებარება 2002 წელს დაბადებული 154 მოქალაქე, მათშორის 9 - სხვა მუნიციპალიტეტებში რეგისტრირებული. აღრიცხვაზე აყვანა მიმდინარეობს სასწავლო დაწესებულებებიდან შემოსული სიების შესაბამისად, ხოლო ის მოქალაქეები, რომლებიც სწავლობენ სხვა მუნიციპალიტეტების სამოქმედო ტერიტორიაზე არსებულ სასწავლო დაწესებულებებში, აყვანილი იქნებიან შესაბამისი სამხედრო სამსახურების მიერ, რაც დასტურდება ამ სამსახურებთან მიმოწერით.

ის მოქალაქეები, რომლებიც არ მოხვდნენ სასწავლო დაწესებულებების მიერ მოწოდებულ სიებში, მათი გამოძახება ხდება უწყებით სსგს ქედის სამოქალაქო რეესტრის სამსახურის მიერ მოწოდებული სიის შესაბამისად საცხოვრებელი ადგილის მიხედვით.

პირველადი სამხედრო აღრიცხვა დასრულდება 30 აპრილამდე და ინფორმაცია მიეწოდება რეგიონული განვითარებისა და ინფრასტრუქტურის სამინისტროს.

სისტემატურად მიმდინარეობს საქართველოს რეგიონული განვითარებისა და ინფრასტრუქტურის სამინისტროს მიერ მოწოდებულ წვევამდელთა ერთიან ელექტრონულ ბაზაში მონაცემების შეტანა.

წლის დასაწყისში დაიწყო რეზერვისტთა სამხედრო სააღრიცხვო ბარათების შედარება, ასევე აღრიცხვაზე მყოფი ოფიცრების, სერჟანტებისა და რიგითების პირადი საქმეების ანბანურ წიგნში ჩანაწერებთან შედარება, ოფიცერთა ანბანური ბარათების სააღრიცხვო ბარათებთან შედარება თემების მიხედვით, რომელიც გაგრძელდება წლის განმავლობაში.

მიმდინარე წლის პირველ კვარტალში რეზერვში ჩაირიცხა სამხედრო ძალებიდან დათხოვნილი ექვსი რეზერვის რიგითი და სხვადასხვა უწყებიდან დათხოვილი 10 რეზერვის რიგითი, ხოლო 27 წლის შესრულების გამო - 23 მოქალაქე; აყვანილია აღრიცხვაზე - 1 სხვა მუნიციპალიტეტიდან შემოსული და 1- შსს რიგებიდან დათხოვნილი მოქალაქე; მოთხოვნის შესაბამისად საერთო სამხედრო აღრიცხვიდან მოხსნილია 3 რეზერვის რიგითი და გადაყვანილია შსს სპეციალურ აღრიცხვაზე; 1 რეზერვის რიგითი მოხსნილია აღრიცხვიდან გარდაცვალების გამო.

გაცემულია 19 დროებითი მოწმობა.

სამხედრო ბილეთის დაკარგვის გამო ჯარიმა (50 ლარის ოდენობით) გადაიხადა ერთმა რეზერვის რიგითმა.

პირველ კვარტალში სამსახურში შემოსულია 48 კორესპოდენცია და 3 განცხადება, გასულია 24 კორესპოდენცია და გაცემულია 1 ცნობა, აღნიშნულ კორესპოდენციებზე პასუხების გაცემა ხდება დადგენილ ვადებში.